



Godina I - Broj 13

Nedjelja, 16. avgust 1992.
SARAJEVO

Za svaki broj posebno se
utvrđuje cijena
Žiro-račun 10100-603-1396

259

Na osnovu člana 45. stav 2. Zakona o Vladi Republike Bosne i Hercegovine («Službeni list SRBiH», broj 33/90) i («Službeni list RBiH», broj 4/92) u vezi sa članom 1. Uredbe sa zakonskom snagom o novcu Republike Bosne i Hercegovine («Službeni list RBiH», broj 8/92) Vlada Republike Bosne i Hercegovine, donosi

ODLUKU

O SPROVOĐENJU UREDBE O NOVCU REPUBLIKE BOSNE I HERCEGOVINE

I

Novčana jedinica Republike Bosne i Hercegovine je dinar koji se dijeli na 100 para.

U međunarodnom platnom prometu i drugim odnosima sa inostranstvom upotrebljava se skraćenica BHD za novčanu jedinicu Republike Bosne i Hercegovine.

II

Uvođenjem u opticaj novca Republike Bosne i Hercegovine novac svih vrsta izdanja Narodne banke Jugoslavije prestaje biti zakonskim sredstvom plaćanja u Republici Bosni i Hercegovini.

III

Za novac izdanja Narodne banke Jugoslavije danom stupanja na snagu ove odluke utvrđuje se nova vrijednost u omjeru 10:1

Denominirani dinar izdanja Narodne banke Jugoslavije zamjenjuje se dinarom izdanja Narodne banke Bosne i Hercegovine u omjeru jedan naprema jedan.

Stanje depozita fizičkih i pravnih lica kod banaka i pošta i sve ostale novčane vrijednosti, kao i knjigovodstvena stanja preračunavaju se u omjeru iz stava 1. ove tačke sa danom 17. avgusta 1992. godine.

IV

Cijene svih proizvoda i usluga preračunat će se i izraziti u dinarima po paritetu iz tačke II stav 1. ove odluke, danom stupanja na snagu ove odluke, odnosno na dan 17. avgusta 1992. godine.

V

Poštanske i taksene marke i ostale taksene i poreske vrijednosnice, nalozi za plaćanje i ostali zatečeni instrumenti unutrašnjeg platnog prometa danom stupanja na snagu ove odluke ostaju u važnosti s tim što njihova vrijednost, na osnovu stava 1. tačke III ove odluke iznosiće deseti dio označene nominalne vrijednosti.

VI

Na iznose označene u propisima i opštim aktima, na obveznicama i ostalim papirima od vrijednosti (mjenicama, ugovorima i dr.), ispravama i obavezama izdatim prije dana stupanja na snagu ove odluke primjenjivaće se odredbe tačke III stav 1. ove odluke.

VII

Privredni subjekti, Služba društvenog knjigovodstva Bosne i Hercegovine (u daljem tekstu: Služba društvenog knjigovodstva), banke, pošte, društveno-političke zajednice i njihovi organi i ostala pravna lica, kao i fizičke osobe koje su obavezane da vode poslovne knjige izvršiće preračunavanje iznosa novčanih sredstava u dinar Republike Bosne i Hercegovine po omjeru iz stava 1. tačke III ove odluke.

VIII

Najniža novčana jedinica u gotovinskom i bezgotovinskom prometu, i konačnom obračunu, je jedan dinar.

Svi preračunati iznosi zaokružuju se na cijelu novčanu jedinicu - dinar.

IX

Fizička lica, uključujući i izbjegla lica imaju pravo neposredne zamjene gotovog novca u iznosu kojeg utvrdi Narodna banka Bosne i Hercegovine svojom odlukom.

Ponudena suma za zamjenu, iznad sume iz stava 1. tačke smatraće se obaveznim pologom, koji se vrši na posel račun Narodne banke Bosne i Hercegovine kod Službe društvenog knjigovodstva.

Izdata isprava o pologu od strane Službe društvenog knjigovodstva, banke i pošte je dokument kojim Narodna banka Bosne i Hercegovine preuzima obavezu da će izvršiti isplatu novcu Republike Bosne i Hercegovine u rokovima i na n

koje će Narodna banka Bosne i Hercegovine naknadno propisati.

X

Pravna lica koja imaju sjedište i žiro račun na teritoriji Republike Bosne i Hercegovine gotov novac polažu u jedinici Službe društvenog knjigovodstva kod koje imaju žiro račun.

Služba društvenog knjigovodstva je dužna provjeriti sve iznose uplata koje premašuje blagajnički maksimum i preduzeti mjere u skladu sa svojim nadležnostima.

XI

U postupku uvođenja u opticaj novca Republike Bosne i Hercegovine, Služba društvenog knjigovodstva i Narodna banka Bosne i Hercegovine dužne su izvršavati i radnje iz tač. III i IV Odluke o regulisanju novčanog prometa između pravnih i fizičkih lica ("Službeni list RBiH", broj 9/92).

XII

Ova odluka stupa na snagu narednog dana od dana objavljivanja u "Službenom listu RBiH".

V. broj 39/92

13. avgusta 1992. godine
Sarajevo

Potpredsjednik

Vlade RBiH,
Hakija Turajlić, s.r.

260

Na osnovu člana 22. Uredbe sa zakonskom snagom o deviznom poslovanju ("Službeni list RBiH", broj 2/92), Vlada Republike Bosne i Hercegovine, donosi

ODLUKU

O PRIVREMENOM FORMIRANJU KURSA DINARA

I

Srednji devizni kurs dinara prema njemačkoj marki (DEM) utvrđuje se na nivou od 350 dinara za 1 njemačku marku (DEM).

Na osnovu deviznog kursa dinara iz stava 1. ove tačke Narodna banka Bosne i Hercegovine (u daljem tekstu: Narodna banka) utvrđuje devizne kurseve dinara prema ostalim valutama koje su predmet kupovine i prodaje na deviznom tržištu, po principu pravilno ukrštenih kurseva.

Na osnovu srednjeg deviznog kursa dinara određuju se rodajni i kupovni kursevi dodavanjem odnosno oduzimanjem marže od 2,5%.

II

Kurs dinara za obračunski dolar utvrđuje se na nivou kursa SAD dolar.

III

Devizni kurs dinara utvrđen u tački I ove odluke primjenjuje se na:

1. sve ekonomske i finansijske transakcije u platnom prometu sa inostranstvom, i
2. isplatu dinarske protivvrijednosti devizne štednje sa una građana koja je ostvarena poslije 30. aprila 1991. godine ("nova devizna štednja").

IV

Formiranje deviznog kursa za sredstva devizne štednje navedena od 28. aprila 1991. godine reguliše se posebnom odlukom Vlade Republike Bosne i Hercegovine.

V

Narodna banka će donositi tekuće usklađivanje deviznog kursa dinara u skladu sa tač. I i II ove odluke.

VI

Izuzetno od odredbi ove odluke, devizni kurs dinara za efektivni strani novac, putničke i bankarske čekove, kreditna pisma i bonove za putarinu za vozila inostrance registracije određuje Narodna banka.

Otkup efektivnog stranog novca, putničkih i bankarskih čekova, kreditnih pisama i bonova za putarinu za vozila inostrance registracije vrše ovlaštene banke koje sa Narodnom bankom sklope ugovor o vršenju mjenjačkih poslova iz člana 70. Uredbe sa zakonskom snagom o deviznom poslovanju ("Službeni list RBiH", broj 2/92) i to isključivo za potrebe Narodne banke.

Dinarsku protivvrijednost otkupljenog efektivnog stranog novca, putničkih i bankarskih čekova, kreditnih pisama i bonova za putarinu za vozila inostrance registracije obezbjeđuje Narodna banka u skladu sa ugovorom iz stava 2. ove tačke.

Devizni kurs dinara za namjene iz stava 1. ove tačke Narodna banka određuje sedmično.

VII

Kursna lista formirana u skladu sa ovom odlukom će se na odgovarajući način objavljivati u sredstvima javnog informisanja.

VIII

Ova odluka stupa na snagu danom objavljivanja u "Službenom listu RBiH", a primjenjivaće se od 17. avgusta 1992. godine.

V. broj 39/92

13. avgusta 1992. godine
Sarajevo

Potpredsjednik

Vlade RBiH,
Hakija Turajlić, s.r.

Narodna banka BiH

Na temelju člana 42. i člana 80. stav 1. tačka 18. Zakona o Narodnoj banci Jugoslavije i jedinstvenom monetarnom poslovanju narodnih banaka republika i narodnih banaka autonomnih pokrajina ("Službeni list SFRJ", br. 34/89, 88/89 i 61/90) koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) preuzet kao republički zakon, člana 5. Uredbe sa zakonskom snagom o primjeni Zakona o Narodnoj banci Bosne i Hercegovine za vrijeme ratnog stanja ili u slučaju neposredne ratne opasnosti ("Službeni list RBiH", broj 6/92) i čl. 2. i 3. Uredbe sa zakonskom snagom o novcu Republike Bosne i Hercegovine ("Službeni list RBiH", broj 8/92), guverner Narodne banke Bosne i Hercegovine, donosi

ODLUKU

O IZDAVANJU NOVČANICA I TEMELJNIM OBILJEŽJIMA NOVČANICA

1. Narodna banka Bosne i Hercegovine izdat će novčanice u apocima od: 10 dinara, 25 dinara, 50 dinara, 100 dinara, 500 dinara i 1000 dinara.

2. Novčanice iz tačke 1. ove odluke štampaju se na bijelom zaštićenom papiru, sa ugrađenim vodenim žigom u tehnički višebojne ofset-štampe.

3. Sve novčanice iz tačke 1. ove odluke imat će dimenzije 150 mm × 72 mm.

4. Izgled novčanica iz tačke 1. ove odluke je sljedeći:

Lice novčanica

1) Zajednička obilježja na licu svih novčanica

U lijevom gornjem kutu novčanice, raspoređeni su jedan iznad drugog natpisi: "REPUBLIKA BOSNA I HERCEGOVINA" (latiničom) i "REPUBLIKA BOSNA I HERCEGOVINA" (ćirilicom).

Na desnoj strani su dvije simetrične geometrijske šare.

Na lijevoj strani, uspravno na novčanicu, je numeracija koja sadrži dva slova i osam cifara, štampanih crnom bojom.

2) Zajednička obilježja na licu novčanica od 10, 50 i 1000 dinara:

Na desnoj strani novčanica je slika Starog mosta u Mostaru okružena elipsom.

3) Novčanica od 10 dinara

U donjem dijelu desne strane novčanice su, jedna pored druge, riječi: "DESET DINARA" (latiničom) i "DESET DINARA" (ćirilicom).

U donjem lijevom kutu nalazi se oznaka vrijednosti "10".

4) Novčanica od 50 dinara

U donjem dijelu desne strane novčanice su, jedna pored druge, riječi: "PEDESET DINARA" (latiničom) i "PEDESET DINARA" (ćirilicom).

U donjem lijevom kutu nalazi se oznaka vrijednosti "50".

5) Novčanica od 1000 dinara

U donjem dijelu desne strane novčanice su, jedna pored druge, riječi: "HILJADU DINARA" (latiničom) i "HILJADU DINARA" (ćirilicom), a ispod njih su, jedna pored druge, riječi: "TISUĆU DINARA" (latiničom) i "TISUĆU DINARA" (ćirilicom).

U donjem lijevom kutu nalazi se oznaka vrijednosti "1000".

6) Zajednička obilježja na licu novčanica od 25, 100 i 500 dinara

Na desnoj strani novčanica je jedan od bosanskih grbova na kom se nalazi desna ruka čovjeka koji drži sablju okrenutu prema gore.

7) Novčanica od 25 dinara

U donjem dijelu desne strane novčanice su, jedna pored druge, riječi: "DVADESETPET DINARA" (latiničom) i "DVADESETPET DINARA" (ćirilicom).

U donjem lijevom kutu nalazi se oznaka vrijednosti "25".

8) Novčanica od 100 dinara

U donjem dijelu desne strane novčanice su, jedna pored druge, riječi: "STO DINARA" (latiničom) i "STO DINARA" (ćirilicom).

U donjem lijevom kutu nalazi se oznaka vrijednosti "100".

9) Novčanica od 500 dinara

U donjem dijelu desne strane novčanice su, jedna pored druge, riječi: "PET STOTINA DINARA" (latiničom) i "PET STOTINA DINARA" (ćirilicom).

U donjem lijevom kutu nalazi se oznaka vrijednosti "500".

Naličje novčanica

1) Zajednička obilježja na naličju svih novčanica

U desnom gornjem kutu novčanice, raspoređeni su jedan iznad drugog natpisi "NARODNA BANKA BOSNE I HERCEGOVINE" (latiničom) i "NARODNA BANKA BOSNE I HERCEGOVINE" (ćirilicom).

Ispod tih natpisa, centralno raspoređeni u odnosu na njih, nalaze se riječi: "GUVERNER" (latiničom) i "GUVERNER" (ćirilicom). Ove dvije riječi razdvojene su vodoravnom crtom. Ispod tih riječi je potpis guvernera, S. Andrijić, Narodne banke Bosne i Hercegovine.

Na lijevoj strani su dvije simetrične geometrijske šare.

Na donjoj desnoj strani novčanice je geometrijska šara. Uspravno na novčanicu, na granici između bijele i obojene površine nalaze se riječi: "KRIVOTVORENJE SE KAZNJAVA PO ZAKONU" (latiničom) i "KRIVOTVORENJE SE KAZNJAVA PO ZAKONU" (ćirilicom). Latinični i ćirilski natpisi su razdvojeni vodoravnom crtom.

2) Novčanica od 10 dinara

Na lijevoj strani, u srednjem dijelu novčanice nalazi se oznaka vrijednosti "10", a ispod oznake vrijednosti nalaze se, jedna pored druge riječi: "DESET DINARA" (latiničom) i "DESET DINARA" (ćirilicom).

U desnom donjem kutu, preko šare, je oznaka vrijednosti "10".

3) Novčanica od 25 dinara

Na lijevoj strani, u srednjem dijelu novčanice nalazi se oznaka vrijednosti "25", a ispod oznake vrijednosti nalaze se, jedna pored druge riječi: "DVADESETPET DINARA" (latiničom) i "DVADESETPET DINARA" (ćirilicom).

U desnom donjem kutu, preko šare, je oznaka vrijednosti "25".

4) Novčanica od 50 dinara

Na lijevoj strani, u srednjem dijelu novčanice nalazi se oznaka vrijednosti "50", a ispod oznake vrijednosti nalaze se, jedna pored druge riječi: "PEDESET DINARA" (latiničom) i "PEDESET DINARA" (ćirilicom).

U desnom donjem kutu, preko šare, je oznaka vrijednosti "50".

5) Novčanica od 100 dinara

Na lijevoj strani, u srednjem dijelu novčanice nalazi se oznaka vrijednosti "100", a ispod oznake vrijednosti nalaze se, jedna pored druge riječi: "STO DINARA" (latiničom) i "STO DINARA" (ćirilicom).

U desnom donjem kutu, preko šare, je oznaka vrijednosti "100".

6) Novčanica od 500 dinara

Na lijevoj strani, u srednjem dijelu novčanice nalazi se oznaka vrijednosti "500", a ispod oznake vrijednosti nalaze se,

edna pored druge riječi: "PET STOTINA DINARA" (latinično) i "PET STOTINA DINARA" (ćirilicom).

U desnom donjem kutu, preko šare, je oznaka vrijednosti "500".

) Novčanica od 1000 dinara

Na lijevoj strani, u srednjem dijelu novčanice nalazi se oznaka vrijednosti "1000", a ispod oznake vrijednosti nalaze se, jedna pored druge riječi: "HILJADU DINARA" (latinično) i "HILJADU DINARA" (ćirilicom), a ispod tih riječi: "TISUĆU DINARA" (latinično) i "TISUĆU DINARA" (ćirilicom).

U donjem lijevom kutu nalazi se oznaka vrijednosti "1000".

Boja na novčanicama

- 1) Na licu novčanice od 10 dinara preovladava rozecoranj, a na naličju ljubičastoroze.
 - 2) Na licu novčanice od 25 dinara preovladava plavozelena i oker boja, a na naličju plava boja.
 - 3) Na licu novčanice od 50 dinara preovladava vinskocrvena i roze boja, a na naličju plava i roze.
 - 4) Na licu novčanice od 100 dinara preovladava zelenomastna boja, a na naličju crnomastna.
 - 5) Na licu novčanice od 500 dinara preovladava karminžuta boja, a na naličju smeđekarmin.
 - 6) Na licu novčanice od 1000 dinara preovladava vinskocrvena i zelena boja, a na naličju plavozelena boja.
5. Ova odluka stupa na snagu danom objavljivanja u "Službenom listu RBiH", a primjenjivaće se od 17. avgusta 1992. godine.

Broj G 5/92

Guverner

13. avgust 1992. godine
Sarajevo

Narodne banke BiH,
prof. dr Stjepo Andrijić, s. r.

Na temelju člana 42. i člana 80. stav 1. tačka 18. Zakona o Narodnoj banci Jugoslavije i jedinstvenom monetarnom poslovanju narodnih banaka republika i narodnih banaka autonomnih pokrajina ("Službeni list SFRJ", br. 34/89, 88/89 i 61/90) koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) preuzet kao republički zakon, člana 5. Uredbe sa zakonskom snagom o primjeni Zakona o Narodnoj banci Bosne i Hercegovine za vrijeme ratnog stanja ili u slučaju neposredne ratne opasnosti ("Službeni list RBiH", broj 6/92) i čl. 2. i 3. Uredbe sa zakonskom snagom o novcu Republike Bosne i Hercegovine ("Službeni list RBiH", broj 8/92), guverner Narodne banke Bosne i Hercegovine, donosi

ODLUKU

O PUŠTANJU U OPTICAJ NOVČANICA I POVLACENJU NOVČANICA IZ OPTICAJA

1. Narodna banka Bosne i Hercegovine pustit će u opticaj od 1. avgusta 1992. godine novčanice u apoenima od 10, 25, 50, 100, 500 i 1000 dinara s obilježjima utvrdjenim Odlukom o puštanju novčanica i temeljnim obilježjima novčanica "Službeni list RBiH", broj 13/92).
2. Novčanice u iznosima od 10 i 50 dinara s datumom izdavanja "1. VI 1990" kao i novčanice u iznosima od 100, 500, 1000 i 5000 dinara s datumom izdavanja "1991" izdate od

Narodne banke Jugoslavije koje su bile u opticaju do dana stupanja na snagu ove odluke prestaju biti zakonsko sredstvo plaćanja zaključno s 24. majem 1992. godine.

Odredbе stava 1. ove tačke se odnose i na novčanice u apoenima od 500 i 1000 dinara s datumom izdavanja "1. III 1990" i "26. XI 1990" izdate od Narodne banke Jugoslavije i koje nose štambilj Narodne banke Bosne i Hercegovine.

Kovani novac u iznosima od 1, 2 i 5 dinara s datumom izdavanja "1990" i "1991" izdat od Narodne banke Jugoslavije povlači se iz prometa.

3. Zamjene novčanica će se vršiti tako što će se za svaki iznos od 100 dinara novčanica iz tačke 2. ove odluke isplaćivati 10 dinara u novčanicama iz tačke 1. ove odluke.

Suma što se zamjenjuje utvrđuje se na cijelih punih 100 dinara u novčanicama iz tačke 2. ove odluke.

Odredbе stava 1. ove tačke se odnose i na stanja depozita kod banke i pošte i sve ostale novčane vrijednosti.

4. Zamjena novčanica će se vršiti u trajanju od osam dana računajući od prvog dana zamjene.

5. Zamjenu novčanica iz st. 1. i 2. tačke 2. ove odluke novčanicama iz tačke 1. ove odluke vršit će Narodna banka Bosne i Hercegovine, Služba društvenog knjigovodstva Bosne i Hercegovine, banke i pošte koje vrše blagajničko poslovanje.

Zamjena novčanica iz tačke 2. stava 2. ove odluke vršit će se isključivo na području grada Sarajeva.

6. Fizička lica koja su građani Republike Bosne i Hercegovine mogu na mjestima propisanim u tački 5. ove odluke izvršiti zamjenu novčanica iz tačke 2. st 1. i 2. ove odluke jednokratno do iznosa od 50.000 dinara.

Odredbе stava 1. ove tačke se odnose i na izbjegla lica koja se zateknu na teritoriji Republike Bosne i Hercegovine u periodu zamjene novčanica.

Zamjena novčanica će se vršiti isključivo uz podnošenje na uvid osobne karte koja je izdata u Republici Bosni i Hercegovini prije 3. aprila 1992. godine, a za izbjegla lica i dokumenat o statusu izbjeglog lica izdat od nadležnog općinskog organa.

Subjekti koji vrše poslove zamjene novčanica iz tačke 5. ove odluke izvršit će ovjeru štambiljem o zamjeni na unutarnjoj strani zadnjeg lista (korice) osobne karte i dužni su sačiniti spisak fizičkih lica koja su izvršila zamjenu s podacima: ime i prezime, broj osobne karte i zamijenjeni iznos.

Ako lice iz st. 1. i 2. ove tačke ponudi za zamjenu sumu veću od sume iz stava 2. ove tačke, ista se smatra obaveznom uplatom na račun Narodne banke Bosne i Hercegovine kod Službe društvenog knjigovodstva Bosne i Hercegovine. Opća uplatnica koja se popunjava na sumu (preračunatu po omjeru iz tačke 3. stava 1. ove odluke) nakon ovjere pečatom i potpisom ovlaštenog lica od strane subjekta koji vrši zamjenu smatra se potvrdom o obaveznom pologu novaca u postupku zamjene.

Subjekti iz tačke 5. ove odluke za primljene uplate po osnovu iz stava 5. ove tačke vode blagajnički dnevnik u dva primjerka u kojem unose podatke sa uplatnica i to: ime i prezime, adresa prebivališta, broj osobne karte i iznos uplate. Jedan primjerak dnevnika sa pripadajućim dijelovima uplatnica banke i pošte dostavljaju nadležnoj jedinici Službe društvenog knjigovodstva.

Fizička lica iz st. 1. i 2. ove tačke ne mogu vršiti bezgotovinski i gotovinski promet (plaćanja, isplate i uplate) po žiro i tekućim računima u periodu zamjene novčanica, odnosno u periodu od 17. avgusta 1992. do 25. avgusta 1992. godine.

Ako fizičko lice iz st. 1. i 2. ove tačke 17. avgusta 1992. godine ima stanje na tekućem računu koje je veće od posljednjeg dvomjesečnog redovitog osobnog primanja (plaća, miro

vina i sl.), zabranjuje se pravo raspolaganja sumom iznad ove sume dok se ne izvrši provjeravanje izvora priliva tih sredstava.

7. Pravna lica koja imaju sjedište i žiro račun na teritoriji Republike Bosne i Hercegovine uplatu zatečenog novca do visine blagajničkog maksimuma vrše u jedinici Službe društvenog knjigovodstva kod koje imaju račun.

Zatečeni gotovi novac iznad blagajničkog maksimuma, pravna lica polažu na zaseban račun Narodne banke Bosne i Hercegovine kod nadležne Službe društvenog knjigovodstva.

8. Promet na računima fizičkih lica i pravnih lica, kao i sume iz tačke 6. stava 1. i tačke 7. stava 2. ove odluke će biti provjerene u skladu sa tačkom III Odluke o regulisanju novčanog prometa između pravnih i fizičkih lica Republike Bosne i Hercegovine sa pravnim i fizičkim licima Republike Srbije i Republike Crne Gore ("Službeni list RBiH", broj 8/92). Provjeru će izvršiti Narodna banka Bosne i Hercegovine, banke i pošte kod kojih se vodi račun.

9. Narodna banka Bosne i Hercegovine, danom stupanja na snagu ove odluke, osigurat će organizacionim jedinicama Službe društvenog knjigovodstva novčanice iz tačke 1. ove odluke.

Organizacione jedinice Službe društvenog knjigovodstva, danom stupanja na snagu ove odluke, osigurat će pošte i banke na svom području novčanicama iz tačke 1. ove odluke.

Narodna banka Bosne i Hercegovine preuzet će od Službe društvenog knjigovodstva Bosne i Hercegovine novčanice iz st. 1. i 2. tačke 2, koje se povlače iz optočaja.

10. Zamjena novčanica vršit će se svakog dana u dnevnom radnom vremenu od 8 do 18 sati u roku trajanja zamjene.

11. Ova odluka stupa na snagu narednog dana od dana objavljivanja u "Službenom listu RBiH".

Broj G 6/92

Guverner

13. avgust 1992. godine

Narodne banke BiH,

Sarajevo

prof. dr Stjepo Andrijić, s. r.

=====

Na temelju čl. 16. i 80. Zakona o Narodnoj banci Jugoslavije i jedinstvenom monetarnom poslovanju narodnih banaka republika i narodnih banaka autonomnih pokrajina ("Službeni list SFRJ", br. 34/89, 88/89, 61/90, 63/90 i 96/91) koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) i čl. 2. i 5. Uredbe sa zakonskom snagom o primjeni Zakona o Narodnoj banci Bosne i Hercegovine za vrijeme ratnog stanja ili u slučaju neposredne ratne opasnosti ("Službeni list RBiH", broj 6/92), guverner Narodne banke Bosne i Hercegovine, donosi

ODLUKU

O KAMATNIM STOPAMA I STOPAMA NAKNADE NARODNE BANKE BOSNE I HERCEGOVINE

1. Narodna banka Bosne i Hercegovine (u nastavku teksta: Narodna banka) na plasmane Narodne banke, avanse, kao i na druga potraživanja Narodne banke (u nastavku teksta: plasmani iz primarne emisije) obračunava i naplaćuje kamatu po eskontnoj stopi Narodne banke u iznosu od 20%, ako drugim propisima i ovom odlukom nije drugačije određeno.

2. Iznimno, od ove odredbe iz tačke 1. ove odluke, Narodna banka naplaćuje kamatu odnosno naknadu po slijedećim stopama:

1) na kredite za održavanje dnevne likvidnosti banaka po stopi od 45%,

- iznimno, od propisane stope u tački 2. podtački 1. ove odluke, na kredite za održavanje dnevne likvidnosti banaka po

osnovu pada dnevne devizne štednje, Narodna banka naplaćuje kamatu po eskontnoj stopi,

2) na iznos kredita i drugih plasmana koji nije vraćen u ugovorenom roku i koji se ne koristi na temelju propisa, odnosno koji se nenamjenski koriste, po stopi od 50%,

3) na iznos sredstava korištenih iznad iznosa raspoloživog pokriva na žiro računima banaka, po stopi od 50%,

- kamatu po propisanoj stopi iz stava 1. ove podtačke, Narodna banka naplaćuje bankama na iznos pozajmica odobrenih po osnovu jemstva Narodne banke za štedne uloge i tekuće račune građana u dinarima,

4) banke koje nisu pravilno obračunale ili nisu u roku izdvojile obaveznu rezervu u skladu sa propisima o obaveznoj rezervi, plaćaju Narodnoj banci naknadu za manje obračunat ili u roku neizdvojen iznos obavezne rezerve, po stopi od 45%,

- kamatu po propisanoj stopi iz stava 1. ove podtačke, Narodna banka naplaćuje bankama i na iznos korištenih sredstava obavezne rezerve za održavanje svoje likvidnosti,

- kamatu po propisanoj stopi iz stava 1. ove podtačke, Narodna banka naplaćuje bankama i na iznos razlike između propisane i ostvarene minimalne likvidnosti u novčanim sredstvima i u blagajničkim zapisima na temelju propisa o načinu održavanja minimalne likvidnosti i o posebnoj rezervi likvidnosti.

3. Na blagajničke zapise upisane do stupanja na snagu ove odluke na temelju propisa, Narodna banka plaća kamatu, po stopi od 15%.

4. Na sredstva obavezne rezerve banaka, Narodna banka plaća kamatu, po slijedećim stopama:

1) na sredstva obavezne rezerve koja se izdvaja na depoz po vidjenju i oročene do tri mjeseca, po stopi od 10%,

2) na sredstva obavezne rezerve koja se izdvaja na depoz oročene na tri i više mjeseci i sredstva pribavljena izdavanjem vrijednosnih papira sa rokom vraćanja od tri i više mjeseci, po stopi od 12%.

5. Na novčana sredstva depozita društveno-političkih zajednica, Narodna banka plaća kamatu, po stopi od 10%.

6. Narodna banka će u ugovorima o davanju kredita propisati odredbu o promjenljivosti kamatni stopa po osnovu promjena kamatnih stopa na plasmane Narodne banke na temelju ove odluke.

7. Na kredite koje banke daju krajnjim korisnicima na temelju određenih isprava za propisane namjene, banke, na refinansirani iznos tih kredita kod Narodne banke, obračunavaju i naplaćuju kamatu, po stopi koja ne može biti veća od propisane kamatne stope Narodne banke uvećane do jednog procentnog poena.

8. Kamatne stope i stope naknade Narodne banke propisane ovom odlukom, obračunavaju se i naplaćuju na mjesečnom nivou.

9. Danom stupanja na snagu ove odluke prestaje da važi Odluka o kamatnim stopama i stopama naknade Narodne banke Jugoslavije («Službeni list SFRJ», 91/91 i 5/92).

10. Ova odluka stupa na snagu danom objavljivanja u «Službenom listu RBiH».

G. broj 8/92

Guverner

13. avgust 1992. godine

Narodne banke BiH,

Sarajevo

prof. dr Stjepo Andrijić, s. r.

=====

Na temelju člana 70. stav 4. Uredbe sa zakonskom snagom o deviznom poslovanju («Službeni list RBiH», broj 2/92), člana 80. Zakona o Narodnoj banci Jugoslavije i jedinstvenom monetarnom poslovanju narodnih banaka republika i narodnih

banaka autonomnih pokrajina (»Službeni list SFRJ«, br. 34/89, 88/89, 61/90, 63/90 i 96/91), koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni, (»Službeni list RBiH«, broj 2/92) preuzet kao republički zakon i čl. 2. i 5. Uredbe sa zakonskom snagom o primjeni Zakona o Narodnoj banci Bosne i Hercegovine za vrijeme ratnog stanja ili u slučaju neposredne ratne opasnosti (»Službeni list RBiH«, broj 6/92), guverner Narodne banke Bosne i Hercegovine, donosi

ODLUKU

O NAČINU OBAVLJANJA MJENJAČKIH POSLOVA U IME I ZA RAČUN NARODNE BANKE BOSNE I HERCEGOVINE

1. Ovom odlukom propisuje se način kupovine i prodaje efektivnog inozemnog novca, putničkih i bankarskih čekova, kreditnih pisama (inozemna sredstva plaćanja), benzinskih bonova i bonova za putarinu vozila inozemne registracije (bonovi za putarinu) od inozemnih i domaćih lica (u nastavku teksta: mjenjački poslovi), u ime i za račun Narodne banke Bosne i Hercegovine.

Mjenjačke poslove iz stava 1. ove tačke mogu obavljati banke ovlaštene za poslove sa inozemstvom i banke ovlaštene za devizne poslove u zemlji (u nastavku teksta: ovlaštene banke), kao i poduzeća, druga pravna lica i poduzetnici ako sa ovlaštenom bankom zaključe ugovor o obavljanju mjenjačkih poslova (u nastavku teksta: ovlaštene mjenjači).

2. Za obavljenu kupovinu inozemnih sredstava plaćanja iz stava 1. tačke 1. ove odluke izdaje se potvrda o kupovini u originalu i dvije kopije. Inozemna sredstva plaćanja kupuju se za gotov novac.

3. Prodaja inozemnih sredstava plaćanja inozemnim fizičkim licima i građanima Republike Bosne i Hercegovine na privremenom radu u inozemstvu (retransfer) obavlja se isključivo u visini neiskorištenih dinara koji potiču od deviza prodatih ovlaštenoj banci ili ovlaštenom mjenjaču, odnosno neutrošenih benzinskih bonova i bonova za putarinu, uz putnu ispravu.

Za prodaju inozemnih sredstava plaćanja iz stava 1. ove tačke izdaje se potvrda o prodaji.

4. Mjenjačke poslove iz tačke 1. ove odluke obavljaju ovlaštene banke, odnosno Poštanska štedionica i ovlašteni mjenjači koji su registrirani kod nadležnog suda, odnosno nadležnog organa uprave koji:

1) imaju odgovarajuće prostorije za obavljanje mjenjačkih poslova koje ispunjavaju higijensko-tehničke uslove, na temelju propisa,

2) u prostorijama za obavljanje mjenjačkih poslova posjeduju kasu, odnosno druga sredstva za bezbjedno čuvanje efektivnog domaćeg i inozemnog novca i drugih vrijednosnih papira,

3) imaju oznaku sa posebnim natpisom: »mjenjačnica« na našem i najmanje jednom od svjetskih jezika,

4) na vidnom mjestu imaju stalno iskustnu listu tečajeva efektivnog inozemnog novca,

5) da su osigurani od moguće štete (krada, požara i sl.) kao i štete koja može nastati sa naplatom i otkupom falsificiranog inozemnog novca i čekova.

Radnici koji rade na mjenjačkim poslovima moraju biti stručno obučeni za obavljanje mjenjačkih poslova i vođenje svih propisanih evidencija i obračuna i poznavati najmanje jedan svjetski jezik.

Iznimno od odredbe stava 1. ove tačke, u međunarodnim vozovima mjenjačke poslove mogu obavljati i lica zaposlena u

ovlaštenoj banci, odnosno kod ovlaštenog mjenjača, na osnovu posebnog odobrenja ovlaštene banke, odnosno ovlaštenog mjenjača.

5. Ovlašteni mjenjači obavljaju mjenjačke poslove na osnovu ugovora o obavljanju mjenjačkih poslova koje zaključuju sa ovlaštenom bankom. Ugovori iz stava 1. ove tačke zaključuju se na neodređeno vrijeme, s tim da otkazni rok za raskid ugovora ne može biti kraći od 90 dana.

6. Otkupljena inozemna sredstva plaćanja ovlašteni mjenjač dostavlja istog dana ili narednog radnog dana ovlaštenoj banci koja ih odmah prosljeđuje u Narodnu banku Bosne i Hercegovine. Inozemna sredstva plaćanja koja otkupi ovlaštena banka takode, istog ili narednog radnog dana prosljeđuje u Narodnu banku Bosne i Hercegovine.

7. Ovlaštene banke, odnosno Poštanska štedionica i ovlašteni mjenjači kupuju i prodaju inozemna sredstva plaćanja koja glase na inozemne tečajeve valute iz liste efektivnog inozemnog novca utvrđenih i formiranih na Međubankarskom sastanku jedinstvenog deviznog tržišta u Republici Bosni i Hercegovini.

Inozemna sredstva plaćanja kupuju se i prodaju po tečajevima utvrđenim u listi iz stava 1. ove tačke koji važe na dan kupovine, odnosno prodaje.

8. Ovlaštena banka isplaćuje mjenjačku proviziju ovlaštenom mjenjaču na način i u rokovima koji su utvrđeni ugovorom iz tačke 5. ove odluke.

9. Ovlaštena banka, odnosno Poštanska štedionica dužna je da ovlaštenom mjenjaču, odnosno poštanskoj jedinici pravovremeno dostavlja uputstva, važeću listu tečajeva, obrasce potvrda o kupovini, odnosno prodaji i druge obrasce koji se koriste u obavljanju mjenjačkih poslova.

Obrasci potvrda o kupovini, odnosno o prodaji inozemnih sredstava plaćanja imaju serijske brojeve, ne smiju se cijepiti ni uništavati, a štampaju se u blokovima u zoni utvrđenih serijskih brojeva, kao i na traci obračunskih strojeva, sa potrebnim podatcima propisanim za te obrasce.

Ovlaštena banka, odnosno Poštanska štedionica dužna je da obezbijedi evidenciju o izdatim blokovima obrazaca potvrda iz stava 1. ove tačke.

10. Ovlaštena banka, odnosno Poštanska štedionica obavlja mjenjačke poslove u svoje ime i za račun Narodne banke Bosne i Hercegovine na osnovu ugovora zaključenog s Narodnom bankom Bosne i Hercegovine.

Otkupljena sredstva plaćanja čine devizne rezerve Republike Bosne i Hercegovine.

11. Narodna banka Bosne i Hercegovine odobrava ovlaštenoj banci, odnosno Poštanskoj štedionici avans u dinarima za obavljanje mjenjačkih poslova na način iz tačke 10. ove odluke, koji ova koristi za kupovinu inozemnih sredstava plaćanja.

12. Ako mjenjačke poslove iz tačke 10. ove odluke obavlja ovlašteni mjenjači, mjenjačka provizija koju ovlaštena banka plaća ovlaštenim mjenjačima za obavljanje tih poslova iznosi najmanje 1%, a mjenjačka provizija koju ovlaštena banka plaća Auto-moto savezu Republike Bosne i Hercegovine za prodate benzinske bonove i bonove za putarinu iznosi 2%.

13. Za pokriće troškova za obavljanje mjenjačkih poslova iz tačke 10. ove odluke, ovlašteni mjenjači naplaćuju od inozemnih i domaćih lica najviše 1,5% od dinarske protuvrijednosti obračunate po kupovnom tečaju za efektivu, odnosno čekove i kreditna pisma, osim za euročekove, benzinske bonove i bonove za putarinu.

14. Za pokriće troškova za prodaju efektivnog inozemnog novca radi retransfera u inozemstvo, ovlaštena banka, Poštanska štedionica, odnosno ovlašteni mjenjač, koji obavlja mjenjačke poslove iz tačke 10. ove odluke, naplaćuju od inozemnih i domaćih lica do 1% od dinarske protuvrijednosti obračunate

po prodajnom tečaju za efektivni inozemni novac, koji važi na dan prodaje.

15. Ova odluka stupa na snagu danom objavljivanja u »Službenom listu RBiH«.

G. broj 9/92

13. avgusta 1992. godine
Sarajevo

Guverner

Narodne banke BiH,
prof. dr Stjepo Andrijić, s.r.



Na temelju člana 70. stav 4. Uredbe sa zakonskom snagom o deviznom poslovanju (»Službeni list RBiH«, broj 2/92), člana 80. Zakona o Narodnoj banci Jugoslavije i jedinstvenom monetarnom poslovanju narodnih banaka republika i narodnih banaka autonomnih pokrajina (»Službeni list SFRJ«, br. 34/89, 88/89, 61/90, 63/90 i 96/91), koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni (»Službeni list RBiH«, broj 2/92) preuzet kao republički zakon i čl. 2. i 5. Uredbe sa zakonskom snagom o primjeni Zakona o Narodnoj banci Bosne i Hercegovine za vrijeme ratnog stanja ili u slučaju neposredne ratne opasnosti (»Službeni list RBiH«, broj 6/92), guverner Narodne banke Bosne i Hercegovine, donosi

ODLUKU

**O ODOBRAVANJU DINARSKIH SREDSTAVA
NA IME AVANSA ZA KUPOVINU INOZEMNIH
SREDSTAVA PLAĆANJA, NAČINU OTPREMANJA,
POLAGANJA I PRENOŠENJA INOZEMNIH
SREDSTAVA PLAĆANJA NA RAČUN NARODNE
BANKE BOSNE I HERCEGOVINE KOJE OVLAŠTENE
BANKE ZA OBAVLJANJE MJENJAČKIH POSLOVA
OBAVLJAJU U SVOJE IME I ZA RAČUN NARODNE
BANKE BOSNE I HERCEGOVINE**

1. Narodna banka Bosne i Hercegovine odobrava ovlaštenim bankama odnosno Poštanskoj štedionici dinarska sredstva na ime avansa za kupovinu inozemnih sredstava plaćanja (u nastavku teksta: avans) iz člana 73. Uredbe sa zakonskom snagom o deviznom poslovanju, koje obavljaju mjenjačke poslove u svoje ime i za račun Narodne banke Bosne i Hercegovine, na temelju Odluke o načinu obavljanja mjenjačkih poslova u ime i za račun Narodne banke Bosne i Hercegovine (»Službeni list RBiH«, broj 13/92).

Narodna banka Bosne i Hercegovine zaključuje ugovor s ovlaštenom bankom odnosno Poštanskom štedionicom iz stava 1. ove tačke o odobravanju sredstava na ime avansa.

Avanse iz stava 2. ove tačke ovlaštena banka u cjelini odobrava ovlaštenim mjenjačima sa kojima je zaključila ugovor o obavljanju mjenjačkih poslova, s tim da ih ovlaštenu mjenjaču koriste samo za namjene iz tačke 3. ove odluke.

2. Avans iz tačke 1. ove odluke Narodna banka Bosne i Hercegovine odobrava ovlaštenoj banci, odnosno Poštanskoj štedionici, na njihov zahtjev, u visini izvršenog otkupa inozemnih sredstava plaćanja u odnosnoj dekadi.

Zahtjev iz stava 1. ove tačke ovlaštena banka, odnosno Poštanska štedionica podnosi uz obračun iz tačke 5. ove odluke.

U periodima kad se očekuje povećani otkup inozemnih sredstava plaćanja, Narodna banka Bosne i Hercegovine može, na obrazloženi pisani zahtjev ovlaštene banke, odnosno Poštanske štedionice, odobriti i iznos avansa koji je veći od iznosa iz stava 1. ove tačke.

3. Ovlaštena banka je dužna da, najkasnije u roku od dva radna dana od dobijanja avansa iz tačke 2. ove odluke, odobri

ovlaštenom mjenjaču avans za kupovinu inozemnih sredstava plaćanja.

Avanse odobrene Poštanskoj štedionici, poštanske jedinice koriste izdavanjem naloga za zaduženje žiro računa Poštanske štedionice u visini dinarske protuvrijednosti otkupljenih inozemnih sredstava plaćanja.

Visina avansa odobrena ovlaštenom mjenjaču, na njegov zahtjev, u smislu stava 1. ove tačke, ne može biti manja od visine prosječnog dnevnog otkupa izvršenog u odnosnoj dekadi za koju se podnosi obračun.

4. Ovlaštena banka, odnosno Poštanska štedionica dužna je da visinu avansa iz tačke 2. ove odluke uskladi sa visinom izvršenog otkupa najkasnije narednog radnog dana od dana dostavljanja obračuna za odnosnu dekadu.

Na iznos iskorištenog avansa ovlaštena banka, odnosno Poštanska štedionica plaća Narodnoj banci Bosne i Hercegovine kamatu po eskonjnoj stopi Narodne banke Bosne i Hercegovine. Kamata se obračunava mjesečno unazad, a naplaćuje se do osmog u mjesecu za prethodni mjesec.

Ako ovlaštena banka, odnosno Poštanska štedionica ne uskladi korištenje avansa sa izvršenim otkupom u roku iz stava 1. ove tačke, Narodna banka Bosne i Hercegovine je dužna da sljedećeg radnog dana nakon isteka tog roka korištenje avansa uskladi sa izvršenim otkupom i da na iznos nepravovremeno vraćen, odnosno više korištenog avansa naplati zateznu kamatu, shodno propisu kojim Narodna banka Bosne i Hercegovine utvrđuje kamatne stope.

5. Ovlaštena banka, odnosno Poštanska štedionica je dužna da za otkupljena inozemna sredstva plaćanja (efektivni inozemni novac, čekovi i kreditna pisma) sastavlja dekadne obračune

Obračune iz stava 1. ove tačke, ovlaštena banka, odnosno Poštanska štedionica dužna je da, najkasnije u roku od tri radna dana od isteka odnosne dekade, dostavi banci koja prenos devize na račun Narodne banke Bosne i Hercegovine.

6. Obavezu polaganja, odnosno prenosa deviza na račun Narodne banke Bosne i Hercegovine po osnovu otkupljenih inozemnih sredstava plaćanja ovlaštene banke izvršavaju nalogom za prenos.

Iznimno od odredbe stava 1. ove tačke, uz suglasnost Narodne banke Bosne i Hercegovine, banka ovlaštena za poslove s inozemstvom može devize iz tog stava prenijeti i preko računa 700 koji se vodi kod Narodne banke Bosne i Hercegovine.

Banka ovlaštena za poslove sa inozemstvom, uz nalog za prenos deviza na račun Narodne banke Bosne i Hercegovine, dužna je da sačini specifikaciju iznosa po ovlaštenim bankama i dekadnim obračunima i da je, u roku od tri radna dana od dana prenosa, dostavi Narodnoj banci Bosne i Hercegovine.

7. Otkupljena inozemna sredstva plaćanja ostvarena i naplaćena u smislu Odluke o načinu obavljanja mjenjačkih poslova u ime i za račun Narodne banke Bosne i Hercegovine (»Službeni list RBiH«, broj 13/92) i Odluke o uslovima pod kojima se može dati odobrenje da se naplata i plaćanje izvrši u efektivnom inozemnom novcu (»Službeni list RBiH«, broj 13/92), banka ovlaštena za poslove sa inozemstvom prenosi na račun Narodne banke Bosne i Hercegovine svakodnevno prema potrebi, a najkasnije u roku od pet dana od dana isteka odnosne dekade.

Izuzetno od odredbe stava 1. ove tačke, devize ostvarene po osnovu otkupa čekova i kreditnih pisama banka ovlaštena za poslove s inozemstvom prenosi najkasnije u roku od 20 dana od dana isteka odnosne dekade.

8. Inozemna sredstva plaćanja koja otkupe poštanske jedinice, Poštanska štedionica otprema preko banke ovlaštene za

poslove s inozemstvom na način predviđen u tački 6. ove odluke.

9. Banka ovlaštena za poslove s inozemstvom može svoju obavezu prenosa deviza iz tačke 6. ove odluke izvršiti u valuti koju ostvari ili u jednoj, odnosno dvije interventne valute (USD ili DEM), preračunato po posljednjem tečaju koji važi za dan davanja naloga za prenos deviza.

10. Devize ostvarene po osnovu benzinskih bonova i bonova za putarinu za vozila inozemne registracije prodatih u inozemstvu uplaćuju se neposredno na račun Narodne banke Bosne i Hercegovine u inozemstvu. Primljenu doznaku iz inozemstva Narodna banka Bosne i Hercegovine izvršava u skladu s Odlukom o načinu obavljanja platnog prometa s inozemstvom ("Službeni list RBiH", broj 13/92).

Devize ostvarene po osnovu benzinskih bonova i bonova za putarinu za vozila inozemne registracije prodatih u inozemstvu uplaćuju se neposredno na račun Narodne banke Bosne i Hercegovine u inozemstvu, na način utvrđen u tački 6. ove odluke.

11. Za devize prenesene na račun Narodne banke Bosne i Hercegovine u smislu tač. 6. i 9. ove odluke, Narodna banka Bosne i Hercegovine, u roku od dva radna dana, odobrava banci ovlaštenoj za poslove s inozemstvom, koja im je prenijela dinarsku protuvrijednost obračunatu po srednjem tečaju na dan prenosa deviza.

Banka ovlaštena za poslove s inozemstvom dužna je da ovlaštenoj banci, odnosno Poštanskoj štedionici prenese primljenu dinarsku protuvrijednost iz stava 1. ove tačke u roku od dva dana od dana kad je odobrena žiro-računu te banke.

Ako je banka ovlaštena za poslove s inozemstvom prenijela devize na račun Narodne banke Bosne i Hercegovine poslije

isteka roka iz tačke 7. ove odluke, Narodna banka Bosne i Hercegovine odobriće toj banci dinarsku protuvrijednost prenesenih deviza po tečaju koji je važio posljednjeg dana propisanog roka.

Na iznos dinarske protuvrijednosti nepravovremeno prenesenih deviza iz stava 3. ove tačke Narodna banka Bosne i Hercegovine će od banke ovlaštene za poslove s inozemstvom naplatiti zateznu kamatu shodno propisu kojim Narodna banka Bosne i Hercegovine utvrđuje kamaune stope.

12. Banka ovlaštena za poslove s inozemstvom dužna je da otkupljeni efektivni inozemni novac koji otprema u inozemstvo u smislu tač. 6, 7. i 8. ove odluke prethodno osigura kod Zajednice osiguranja, na osnovu ugovora zaključnog sa Zajednicom osiguranja.

Ugovor iz stava 1. ove tačke zaključuje se na osnovu prethodne suglasnosti Narodne banke Bosne i Hercegovine

Plaćanje troškova osiguranja otpreme u inozemstvo efektivnog inozemnog novca po ugovoru iz stava 1. ove tačke, Narodna banka Bosne i Hercegovine, na osnovu dokumenata o plaćanju osiguranja, isplaćuje banci ovlaštenoj za poslove s inozemstvom u roku od tri dana od dana prijema zahtjeva za isplatu.

13. Narodna banka Bosne i Hercegovine kontroliše namjensku upotrebu avansa i prenos deviza na račun Narodne banke Bosne i Hercegovine prema odredbama ove odluke.

14. Ova odluka stupa na snagu danom objavljivanja u »Službenom listu RBiH«.

Broj G 10/92

13. avgust 1992. godine
Sarajevo

Guverner
Narodne banke BiH,
prof. dr. Stjepo Andrijić, s. r.

SADRŽAJ

259 Odluka o sprovođenju Uredbe o novcu Republike Bosne i Hercegovine	337
260 Odluka o privremenom formiranju kursa dinara	338

NARODNA BANKA BOSNE I HERCEGOVINE

Odluka o izdavanju novčanica i temeljnim obilježjima novčanica	338
Odluka o puštanju u opticaj novčanica i povlačenju novčanica iz opticaja	340

Odluka o kamatnim stopama i stopama naknade Narodne banke Bosne i Hercegovine	341
Odluka o načinu obavljanja mjenjačkih poslova u ime i za račun Narodne banke Bosne i Hercegovine	342
Odluka o odobravanju dinarskih sredstava na ime avansa za kupovinu inozemnih sredstava plaćanja, načinu otpremanja, polaganja i prenošenja inozemnih sredstava plaćanja na račun Narodne banke BiH koje ovlaštene banke za obavljanje mjenjačkih poslova obavljaju u svoje ime i za račun Narodne banke BiH	343